



Skupština Zeničko-dobojskog kantona
Kučkovići broj 2
72000 ZENICA

Breza, 30.01.2018. godine

Broj: 01- 79/18

Predmet: Inicijativa za obustavljanje procedure donošenja Zakona o regulisanju dospjelih a neplaćenih obaveza za zdravstveno osiguranje i osiguranje od nezaposlenosti rudnika uglja u Zeničko – dobojskom kantonu;

Poštovani,

Ovim putem Vam ispred radnika ZD Rudnik mrkog uglja "Breza" d.o.o. Breza dostavljamo inicijativu kojom tražimo da se obustavi procedura donošenja Zakona o regulisanju dospjelih a neplaćenih obaveza za zdravstveno osiguranje i osiguranje od nezaposlenosti rudnika uglja u Zeničko – dobojskom kantonu.

Naime, predstavnici ZD Rudnik mrkog uglja "Breza" d.o.o. Breza su prisustvovali javnoj raspravi organizovanoj u općini Breza povodom usvajanja Nacrta Zakona o regulisanju dospjelih a neplaćenih obaveza za zdravstveno osiguranje i osiguranje od nezaposlenosti rudnika uglja u Zeničko – dobojskom kantonu, te tom prilikom upoznali predstavnicu Ministarstva privrede Zeničko – dobojskog kantona o posljedicama usvajanja ovog Zakona, koji će voditi ka otežavanju rada rudnika u Zeničko – dobojskom kantonu, te se negativno odraziti na stanje zaštite na radu obzirom da bi uslijed povećanja poreskih nameta biti ograničena sredstva neophodna za osiguranje opreme i repromaterijala potrebnih za sigurno odvijanje proizvodnog procesa.

Takođe, ovim putem želimo naglasiti da radnici rudnika u Zeničko – dobojskom kantonu neće samo mirno posmatrati donošene ovakvog zakona koji će voditi u krajnjoj liniji njihovom postepenom gašenju i zatvaranju, već će iskoristiti štrajk i sva dozvoljena sredstva kako bi se Skupštini, Vladi Zeničko – dobojskog kantona i široj javnosti skrenula pažnja na pogubnost donošenja ovakvog zakona.

S poštovanjem,

Prilog: Dopis RMU "Breza" d.o.o. Breza - Primjedbe na Nacrt Zakona o regulisanju dospjelih a neplaćenih obaveza za zdravstveno osiguranje i osiguranje od nezaposlenosti rudnika uglja u Zeničko – dobojskom kantonu broj: 01-57/2018 od 24.01.2018. godine;

Dostavljeno:

- Uprava društva
- Skupština ZDK
- a/a


ZD Rudnik mrkog uglja "Breza" d.o.o. Breza

Branilaca grada bb, 71370 Breza, BiH
e-mail: info@rmubreza.ba, www.rmubreza.ba

CENTRALA: +387 32 78 43 00
DIREKTOR, tel/fax: +387 32 78 35 81
IZVŠNI DIR. ZA EKON. I PRAV. POSLOVE, tel. +387 32 78 35 80
IZVŠNI DIR. ZA TEHNIČKE POSLOVE, tel. fax: +387 32 78 35 82
KOMERCIJALA, tel. fax +387 32 78 47 54, PRODAJA, tel. +387 32 78 35 86
JAVNE NABAVKE, tel. fax +387 32 78 15 59
FINANSIJE, tel. fax +387 32 78 34 22

Reg.broj. U/I 485/99 Općinski sud u Zenici
Porazni broj: 4218303300007, PDV broj: 218303300007

154260200112120 - Intesa Sanpaolo Banka d.d. BiH
134010000149306 - Investiciono komercijalna banka dd Zenica
3389002211051087 - UniCredit Bank d.d. Mostar

UDRUŽENJE PENZIONERA I INVALIDA

PRIMJEDBE NA PRIJEDLOG ZAKONA O REGULIRANJU DUGA PO OSNOVU ZDRAVSTVENOG OSIGURANJA ZE-DO KANTONA

1. Cilj federalnog zakona o konsolidaciji rudnika u federaciji BiH je finansijska pomoć Federacije oko finansijske stabilizacije rudnika uglja prije ulaska u postupak njihovog restrukturiranja a sve u cilju osposobljavanja Rudnika za samostalno poslovanje i servisiranje svih obaveza uključujući i poteze i doprinose.

Imajući u vidu da se ZE-DO kanton, u svom nacrtu Zakona o reguliranju duga rudnika za doprinose za zdravstvo, poziva na pomenuti Federalni zakon, njegov cilj je, takođe morao biti doprinos kantona finansijski konsolidaciji Rudnika kroz uplatu fondu Zdravstvenog osiguranja ZE-DO kantona dijela dugova Rudnika(analogno uplatama Vlade federacije BiH po osnovu duga za PIO) dijela duga koji nije zadario ili donijeti Odluku skupštine ZE-DO kantona o otpisu dijela duga do 2010 godine uz obavezivanje Zavoda i Rudnika da ostatak duga regulišu zaključivanjem sporazuma o međusobnom izmirenju preostalih dugovanja na period od 10 godina.

Ovakav nacrt zakona Koji ste predložili nije u duhu cilja Federalnog zakona o konsolidaciji rudnika već je suprotan tom cilju jer njegova primjena finansijski ne konsoliduje već destabilizira rudnike i gura ih u siguran stečaj.

2. Ovaj zakon zadire i u član 88 stav 2 Zakona o zdravstvenom osiguranju FBiH jer je posto zastarni rok 5 godina i tok zastare prekida samo tužba nadležnom sudu.

3. Ovaj nacrt zakona je i diskriminatoski jer se primjenjuje samo na rudnike ostavljajući pri tom po strani izvan zakona mnoštvo drugih dužnika kao što su Željeznice federacije, Željezara Zenica i mnoge druge duznike. Opće pravno pravilo je da Zakon, kroz pravnu normu, kroz njenu dispiziciju, reguliše uopštene životne situacije koje se u budućnosti mogu desiti, dok je drugim dijelom norme predviđena sankcija za suprotno ponašanje i važi za sve u okviru dosega i vremenske važnosti Zakona. Ovaj nacrt Zakona nema niti uopštenost (ne odnosi se na svakoga) niti sankciju pa je s tog aspekta neprimjenjiv.

4. Veliko je pitanje nadležnosti kantona da Zakonom reguliše pitanje dugovanja između različitih subjekata bez obzira što se radi o izvornim prihodima kantona, obzirom da se ovim zakonom derogira Federalni Zakon o porezima i doprinosima u kome su načini ubiranja i naplate detaljno regulisani uz predviđene sankcije.

U tom slučaju vaš nacrt je morao sadržati odredbu da se stupanjem na snagu ovog zakona stavljaju van snage odredbe Federalnog zakona o porezima i doprinosima, što bi bilo nezakonito djelovanje Skupštine kantona obzirom da su Federalni zakoni hijerarhijski iznad kantonalnih Zakona.

Smatram da bi Skupština ZE -DO kantona, imajući u vidu cilj Federalnog zakona o konsolidaciji rudnika na koji se pozivate u nacrtu ovog Zakona, trebala donijeti odluku kojom se zadužuje Vlada kantona da dio dugovanja za zdravstvo a koji se vremenski poklapaju sa dugovanjima rudnika za PIO koji je uplatila Vlada Federacije, uplati u Zdravstveni fond ZE-DO kantona i time doprinese cilju Federalnog zakona o konsolidaciji Rudnika. Za ostatak duga, obavezat Zavod i Rudnike da sklope sporazum o međusobnim potraživanjima na 10 godina roka izmirenja,ovjere ga kod notara i imaju izvršnu ispravu za prinudnu naplatu.

Usvojen zakon u ovakvoj formi podliježe ocjeni ustavnosti iz razloga što zadire u član 88.stav 2 Zakona o zdravstvenom osiguranju FBiH, derogira pojedine odredbe Federalnog zakona o Porezima i doprinosima, diskriminirajući je jer se ne odnosi na sve dužnike kantonu po ovom osnovu i diskriminirajući je i iz razloga što je Pireska uprava za dugovanja Rudnika upisala hipoteku ma nekorektnosti rudnika a nije upisala hipoteku na nepokretnosti Zavoda po osnovu duga Zavoda prema rudnicima.

Seid Opačin dipl.iur